

buslibet vexationibus fatigare; sed omnia integra conserventur eorum pro quorum gubernatione et sustentatione concessa sunt, usibus omnimodis profutur, salva nimicrum sedis apostolicæ auctoritate. Si qua igitur in futurum ecclesiastica sacerularis persona, hanc nostræ constitutionis paginam sciens, contra eam temere venire tentaverit, secundo tertioye commonita, nisi reatum suum congrua satisfactione correxerit, potestatis honorisque sui dignitate careat, reamque se divino judicio existere de perpetrata iniuitate cognoscat, et a sacratissimo corpore ac sanguine Dei et Domini Redemptoris nostri Jesu Christi aliena fiat, atque in extremo examen districtæ ultioni subjaceat. Cunctis autem eisdem loco justa servantibus, sit pax Domini nostri Jesu Christi, quatenus et hic fructum bonæ actionis percipient, et apud districtum judicem præmia æternæ pacis inveniant. Amen, amen, amen.

Ego Eugenius Catholicæ Ecclesiae episcopus ss.

Ego Conradus Sabinensis episcopus ss.

Ego Albericus episcopus ss.

Ego Gregorius presbyt. card. tit. S. Calixti subscripti.

Ego Ubaldus presbyt. card. tituli Sanctæ Praxedis ss.

Ego Nicolaus presbyter cardinalis tit. Sanctæ Crucis ss.

Ego Ubaldus presbyter cardinalis S. Crucis in Hierusalem ss.

Ego Otto diaconus cardinalis Sancti Georgii ad Venum Aureum ss.

Ego Octavianus diaconus cardinalis Sancti Nicolai in Carcere Tulliano ss.

Ego Gregorius diaconus cardinalis Sancti Angeli subscripti.

Ego Astaldus diaconus cardinalis Sancti Eustachii juxta templum Agrippæ ss.

Ego Guido diaconus cardinalis S. Mariæ in Portico ss.

Ego Jacinthus diaconus cardinalis Sanctæ Mariæ in Cosmedin ss.

Ego Petrus diaconus cardinalis Sanctæ Mariæ in Via Lata ss.

Datum Laterani per manum Roberti sanctæ Romanæ Ecclesiae presbyteri cardinalis et cancellarii, v Idus Januarii, indictione ix, Incarnationis Dominicæ, anno 1145, pontificatus vero domini Eugenii III papæ anno i.

## LXXII.

*Ad Engolismensem et Lemovicensem episcopos. — Ut controversium de Roca-Bovis-curtis inter Cluniacenses et clericos sine canonico terminent.*

(Anno 1146, Jan. 16.)

[D. BOUQUET, *Recueil, XV, 455.*]

EUGENIUS episcopus, servus servorum Dei, venerabilibus fratribus LAMBERTO Engolismensi et GERALDO Lemovicensi episcopis, salutem et apostolicam benedictionem.

Controversiam quæ inter dilectos filios nostros

A Cluniacenses monachos et clericos de Roca-Bovis-curtis (*La Roche-Beaucourt*) super ecclesia ipsius loci, jamdiu agitata est, diligenter audivimus et cum fratribus nostris super ea diu contulimus. Auditis igitur utriusque partis rationibus et studiosius inquisitis, quoniam ex utriusque partis confessione monachos suis in possessione cognovimus, judicavimus ut, si ipsi monachi duobus aut tribus testibus idoneis in nostra præsentia probare potuerint quod clerici qui tunc erant in ipsa ecclesia, vel alias per ipsos, eos de possessione ipsius ecclesiae per violentiam expulerunt; ipsa possessio eis restituatur; facta autem plena restitutione, infra duos menses ultraque parte ante vestram evocata præsentiam, causam de proprietate hinc inde diligenter inquiratis, et sine canonico terminetis.

Datum Laterani, xvii Kal. Februarii.

## LXXIII.

*Bulla de confirmatione bonorum monasterii Crisenonis.*

(Anno 1146, Jan. 19.)

[Gall. Chr. nov. XII, Instr, 117.]

EUGENIUS episcopus, servus servorum Dei, dilectis in Christo filiabus, ELISABETH abbatissæ de Crisenone, ejusque sororibus tam præsentibus quam futuris, regularem vitam professis in perpetuum.

Quoniam sine veræ cultu religionis, nec charitatis unitas potest subsistere, nec Deo gratum exhiberi officium, expedit apostolicæ auctoritati religiosas personas diligere, et earum loca pia protectione munire. Eapropter, dilectæ in Christo filiae, venerabilis fratris nostri Hugonis Antissiodorensis episcopi precibus inclinati, vestris justis postulationibus clementer annuimus, et præsatum locum, in quo divino mancipitate estis obsequio, sub B. Petri et nostra protectione suscipimus, et præsentis scripti privilegio communimus, statuentes ut quaecunque possessiones, quæcumque bona in præsentiarum juste et canonice possidetis, aut in futurum concesione pontificum, liberalitate regum, largitione principum, oblatione fidelium, seu aliis justis modis, præstante Domino, poteritis adipisci, firma vobis, vestrisque succendentibus et illibata permaneant. In

D quibus hæc propriis duximus exprimenda vocabulis: Molendiua de Creu. In episcopatu Senonensi decimam de Chasciaco. Furnum Antissiodori cum vineis. Vineas Varziaci. Territorium de Luciaco. Grangian de Nertennaco cum territorio suo. In episcopatu Nivernensi monasterium de Firmitate, in quo congregationem sororum vestrarum posuistis. Et ad usus earamdem sororum quidquid Hugo de Limo et Petronilla uxor ejus, Seguinus et Agnes uxor ejus, Ogerus et Christiana uxor ejus de jure suo vobis dederunt in villa quæ dicitur Lunum, in Luguen, in Chalma, in Coenni, in Suenci, in Tribus Aquis, in Cigoniis, in Chasseninis et in Ruenni. Decimam quanam Guillermus Carolus et ejus uxor ad Linum habuerunt. Decimam partem piscium Clusæ Guil-